

唐文燦

廣西人崇正間舉人知桐梓縣以轉移風俗為己任每月進諸生課文藝舉鄉飲勤

讀法善

政悉舉

詹淑

字士善麻城人萬曆間舉人平播後知綏陽縣建城設學撫字招徠編里甲定賦役

葺衙署成志藁大綱畢舉邑人建祠祀之

母揚祖

天津人以選貢知綏陽清廉正直善政宜民去任後邑人建祠以祀

袁鑒

仁懷縣人副總兵袁鑒弟也天啓二年奢寅叛與賊相拒於仁懷之竹瓦寨血戰三

日夜兵敗被執罵賊而死事聞命於其戰地立忠勇祠祀之廕其子蕙為叅將仍世襲指揮後又命

與陳王謨同祀府城忠臣廟

陳王謨

郡人官副將崇正十年流寇陷蜀謨督兵禦賊血戰死之請於朝附祀忠臣廟官其

弟王政為千戶

國朝